

გამოცემის 53-ე წელი. (№ 1478). ივნისი. 1976. ფასი 20 კაპიკი.



ნახ. ჯ. ლოლუასი

დარაჯი: ამ კაცს უოველდღე გააქვს მასალა და ნამდვილად
დაიჭერა!



გამოჩენილ ქართველ მწერალს, საქართველოს საპარტიო ცენტრის მდივანს — **დავით შენაშვილს** — დაბადების 80 წლისთავი შეუსრულდა. სსრ კავშირის უმაღლესი საბჭოს პრეზიდიუმის 1976 წლის 3 ივნისის ბრძანებულებით საბჭოთა ლიტერატურის განვითარებაში დამსახურებისათვის და დაბადების მეოთხმოცე წლისთავთან დაკავშირებით **დენა შენაშვილი** ხალხთა მეგობრობის ორდენით დაჯილდოვდა.

დავით შენაშვილი

გულით რომ არ მოგილოცო, აბა, ისე როგორ გაძლო, — ჩვენო აკადემიკოსო, ჩვენო პროზის დიდო განძო! რომანები, მოთხრობები, წერილები სართულზედად აღგვიმართე... და სიღრმეში მიუმატე ქართულ ენას! შენი „ბათა“ მონაგარდე დროის მერანს დაედგენა, შეასტა და დააქროლებს!.. სულ აქროლოს. დაე, დენა! ქცეულია შენი სიტყვა სულის ამნებზე მუდმივ დენად! გკითხულობენ ალტაცებით და თვალები უდიდებობით! გაქვს ჰუმორი უმაღლესი! მისანი ხარ, მართლაც, მისი! „ახლა, როცა ამ სტრიქონს ვწერ“, გვერდით შენი ბათა მიზის! მწამს: ბედნიერ დარჩენილ წლებს გაატარებ დიდებაში და მწერალთა ათ ყრილობას (თუ მეტს არა) კიდევ გახსნი!



საპარტიო სსრ სახალხო მხატვარს, შრომის წითელი დროშის ორდენისანი თბილისის სახელმწიფო სამხატვრო აკადემიის პროფესორს — **შოთა მიქაბაძეს** — დაბადების 70 და შემოქმედებითი, პედაგოგიური და საზოგადოებრივი მოღვაწეობის 45 წლისთავი შეუსრულდა.

შოთა მიქაბაძე

გაუმარჯოს სახელგანთქმულ საკულებტორ შოთა მიქაბაძეს! — გენიალურ პიროვნებებს დიდებულად გვიქანდაკებს!.. სულ სიკეთეს გვიკეთებს და სულ სიყვარულს გვიქადაგებს და გადმოსდის ბავშვთაგან ტკბილი სიტყვის სიზადავე! აქვს ხელოვანს, დიდსულოვანს, ბევრი ნაღდი ქანდაკება! შენთვის ირბენს დაუღლეად, გიმზრუნველებს, გადაგყვება! ბურჯობს მონუმენტურ ოჯახს, — საამოა, ჭვრეტა მისი: ცოლიც მონუმენტალისტი, შვილიც მონუმენტალისტი! ამას წინათ წარმატებით მოიარა იტალია, საქართველოს სადღეგრძელო დიდი ყანწით იქ დალია! მამულისთვის თავს გადადებს, ქვას გახეთქს და სულს ჩაუდგამს! იყოს შოთა მიქაბაძე სულ ჯანმრთელად, სულ ჩაუქად!

ზაურ გოლჭავაძე

რას გვეჩვენებს?

ნახ. ჯ. ლოლუასი



— ოცნებები „გურჯაანი“, სალათა, ხიზილა, ზუთხი, ტაბაკები, საცხი, გოჭი, ჩაქაშული, გატყნის მწვადი მოგვითანე და მეტი არაფერი გვინდა!

მე და ჩემი ამხანაგი ქუჩაში ვდგართ. ცივა. კედელს ვართ აჯრულები. უცებ ხმაური შემოგვესპა. თვალი გავახილეთ და ჩვეულებრივი სურათი დავინახეთ: ქუჩაში ორი მთვრალი ახალგაზრდა მოიბრწყინდა. ფეხზე ძლივს იდგნენ. მოგვიახლოვდნენ თუ არა, ერთერთმა ერთადერთ მარჯვენა მკლავში ხელი ჩამავლო და მთელი ძალით ჩამოშტა. მომესმა ყრუ ტკაცუნა. ვიგრძენი, რომ ძარღვები ჩამწყდა. მძიმედ ამოვიკენე. დავიხედე და... ცარიელ ტყავზე დაკიდებული მარჯვენა მაქსველის ქანქარასავით აქეთ-იქით ქანაობდა. მერე მუშტი ჩამცხო ცხვირ-პირში და ხურდა ფული მომთხოვა. ერთი ორკაპიკიანი მქონდა და ისიც მივეცი. იტოტავა, მწარედ შემავინა და გამცილდა. ამასობაში ჩემს ამხანაგს უარესი დღე ადგა: მეორე მთვრალმა მას წიხლები დაუშინა, გვერდები დაუღწია და გინებით აიკლო. ბოლოს იმასაც მთელი ძალით ჩამოქაჩა ერთადერთი მარჯვენა, მოგლიჯა და ქვაფენილზე დაანარცხა.

ჩემს ამხანაგს განწირული კენესა აღმოხდა.

გინებითა და ბარბაცით გაგვიკლდნენ. სწორედ ამ დროს მოგვესმა შეძახილი:

— მიშველეთ, ქმა მიკვდება! დავინახეთ, ერთი პერანგისამარა კაცი ჩვენკენ მორბოდა. ჩანდა, სასწრაფოს გამოძახება უნდოდა სასწრაფოდ. განწირული სახით ჯერ მე მომიანლოვდა, შველა მთხოვა, მაგრამ რა შველა შემეძლო?! მარჯვენა გადამტვრეული და ცხვირ-პირი დაღწილი მქონდა. ჩემს ამხანაგს მივარდა, მაგრამ ელდა ეცა, როცა მისი მარჯვენა იქვე, ქვაფენილზე დაგდებული დაინახა. მწარედ ამოიოხრა, შუბლზე ხელი იტყია და შესძახა:

— ღმერთო, რა წყალში ჩავვარდე?! არც ერთი არ მუშაობს! პატრონი არა ჰყავს ამ ტელეფონებს?! სულ ასე დაღწილი უნდა იყოს?!

მურად კარაქვაძე

კომბინაზორის მონოლოგი

მუქთად ნაშოვო მაყუთო,
გმალო საიდან სანამდე?
უნდა დაგხარჯო, ოხერო,
თორე, იქნება, ჩავვარდე!..

ვაიმე, იქნებ ჩავვარდე,
როგორც ჩავარდნენ ჩემამდე...
და შენ კი, სხვათა სალხენად,
ხელუხლებელი მრჩებოდე.

ქვეყანა მხიარულობდეს,
მე ცხრაკლიტულში ვხმებოდე!
ოდავ, ორსართულიანო,
ნეტავ, არ დაბნელდებოდე!

ლობევ, არ დამეშვებოდე!
„ვოლგავ“ არ წამერთმეოდე!
დედავ, არ დამიდნებოდე!
ცოლო, არ გათხოვდებოდე!

უფრო არ დაგლახდებოდე,
შვილო, ზანტო და მძინარავ!
ერთ ესეც უნდა ვიკითხო,
ვინ გამიხსენებს, ვინ — არა?

რა ვუყო, არა მშორდება
ეს ფიქრი — გულის მზარავი:
დედის მეტს ჩემი ჩავარდნა
არ აატირებს არავის!..

სხვას ყველას დავავიწყებდი,
დედას ვუყვარვარ ძალიან,
მე კი ხან სულაც არ მახსოვს,
დედისთვის არა მცალია!

ნოდარ შამანაძე



— რა ლამაზად გაქვს თვალები! ვინ გაგიღუპრა?
— ჩემმა ქმარმა!..

სულ მალე შეხვედრამდე

ძვირფასო მსუბუქი ავტომანქანის მძარცველო! მაპატიეთ, რომ უცნობი გიტოვებთ ამ ბარათს მანქანაში! თუმცა, რა ვიცი, იქნებ, კარგადაც ვიცნობთ ერთმანეთს. გთხოვთ, ვიდრე ამ მანქანას გაიტაცებდეთ და გაძარცვადეთ, გადაავლოთ თვალი ამ ბარათს! ვიცი, ამ დროს ყოველი წამი ძვირფასი იქნება თქვენთვის, მაგრამ დამდეგ პატივი და მიიღეთ მხედველობაში ჩემი თხოვნა! მოგეხსენებათ, თუ რა სიხარულია მანქანა ადამიანისათვის. ისიც კარგად უწყით, რომ მხოლოდ ზღოფასით არც ისე იოლია მისი შეძენა. დღეს მე მანქანის მფლობელი ვარ და ვიქნები მანამ, სანამ თქვენ არ მომპარავთ და არ გამიძარცვავთ მას. მართალია, წინასწარ მიძინებდებოდა იმის თქმა, თუ როდის დადგება ეს საბედისწერო უამი, მაგრამ დღესავით ნათელია, რომ შორს არ უნდა იყოს იგი. ვინც ჩემთან ერთად შეიძინა მანქანა, ყველას მოპარეს და გაუძარცვეს. ზოგმა მიაგნო გაძარცვული მანქანის კვალს, ზოგი კი დევ ეძებს და ზოგმა, საერთოდ, ჩაიქნია ხელი. ვატყობ, ჩემი ჭერიც დადგა. მინდა რამდენიმე სიტყვა ჯერ ჩემს მანქანაზე მოგახსენოთ და შემდეგ თხოვნაზე დამიგდოთ ყურით:

ჩემმა მანქანამ 10 ათასი კილომეტრი გაიარა. ამით იმის თქმა მინდა, რომ მანქანა საკმაოდ ახალია და მისი ნაწილებიც (გასაყიდად ვარგისია).

პირველ რიგში, ალბათ, საბურავებს მოხსნით. დამეთანხმებით, მიუხედავად მცირეოდენი გაცვეთისა, ორმაგ ფასში უსიტყვოდ გაყიდით მათ. ყოველ შემთხვევაში, თუ ვერ გაყიდეთ, მე მომიტანეთ და ფასზე არ გალაპარაკებთ. სხვისი ნახმარი საბურავების ყიდვას, მიჩვენეთ, ისევე ჩემი ვიყიდე. ასევე წუნი არ დაეძება მანქანის ძარას, მოტორს, დინამოსა და სხვა დანარჩენ შიდა ნაწილებს. უკანა ხიდი, არ ვიცი, ღირს თუ არა წვალეზად. ეს თქვენი საქმეა, გნებავთ წაიღეთ, გნებავთ დატოვეთ. თუ დატოვებთ, რა თქმა უნდა, მაღლობელი დაგრჩებოდა. სხვა, სალონში რაც მოგეწონებათ, ბუნებრივია, წაიღებთ და მშვიდობიანადაც მოგახმართოთ ღმერთმა! აი, ახლა კი რა მინდა გთხოვოთ: არც ისეთი გაუგებარი იქნე-

ბით, რომ არ იცოდეთ, რა ძნელია გატაცებული მანქანის კვალის მიგნება. სწორედ ამიტომ, საქმე ცოტათი მაინც რომ გავიაღვილოთ, ჩამოწერეთ თქვენს შესახებ ზუსტი ცნობები: გვარი, სახელი, მამის სახელი, დაბადების წელი და ადგილი (ზუსტად მიუთითეთ რესპუბლიკა, ოლქი, მხარე, ოკრუგი, ქალაქი, რაიონი, სოფელი). ეროვნება, განათლება, ოჯახური მდგომარეობა, შრომითი საქმიანობა. წარმოადგინეთ დახასიათება სამუშაო ადგილიდან. თუ არ მუშაობთ, იმ ორგანიზაციიდან, სადაც უალბად ხართ გაფორმებული. ცნობებს თან უნდა დაერთოს 12 ცალი ფოტოსურათი 3X4-ზე. სურათები აუცილებლად დამოწმებული უნდა იყოს, თორემ, ხომ იცით, მილიციაში ყოველგვარ წვრილმანს აქცევენ ყურადღებას! აუცილებლად აღნიშნეთ, რომელ საათებში იქნებით სახლში, რომ წესრიგის დაცვის მუშაკებმა ობერატიულად იმოქმედონ და მიაგნონ თქვენს კვალს, თორემ, შეიძლება, აფერისტი ეგონოთ და შეეშვან თქვენს ძებნას. იმ დღეებში, საერთოდ, ნუ გახვალთ სახლიდან და სალაპარაკოს ნუ მისცემთ ნურავის! მანქანას, ალბათ, საგურამოსკენ გააქროლებთ. ადგილიც შერჩეული გქნებათ. მე მართო გირჩევთ, მანქანა მცხეთისა და საგურამოს გზის გასაყართან, მარჯვენა მხარეს, შეიყვანოთ ტყეში. გზაც კარგია და ავტონისპექციის მუშაკებსაც კარგად აუხვევთ თვალს. ჰო, მართლა, კინაღამ გამომჩნა: შეიძლება, სიჩქარისა და დაბნეულობის გამო, საიდუმლო საკეტს უცბად ვერ მიაგნოთ და მანქანა დროულად ვერ დახმართ ადგილიდან. საიდუმლო საკეტი დამცველების უკან არის. ხელს გაჰყოფთ თუ არა, თითებზე მოგხვდებათ, მარჯვნივ უნდა გადატაცდეთ.

აი, ყველაფერი ის, რაც თქვენთვის მინდოდა მომეხსენებინა. ძალიან გთხოვთ, მიიღოთ მხედველობაში ჩემი თხოვნა და გამიწიოთ ანგარიში. სამ ათეულ წელზე მეტია ვმუშაობ სახლმმართველობის სისტემაში სხვადასხვა პასუხსაგებ თანამდებობებზე, სამუდამოდ თქვენი მაღლობელი და ვრჩები. კარგად ბრძანდებოდეთ. სულ მალე შეხვედრამდე!

ნოზალი ბარტაია



სტუმარ-მასპინძელი

ჩემი ავტობუსი ახალციხეს გასცდა და გე-
ში ასპინძისაკენ აიღო. მძღოლმა ავტორიტე-
ტულად გამოგვიცხადა:

— სახელურს მაგრად ჩაფრინდით, ძირს არ
გაღმოცვიდეთ, ან თავი შეშას არ ახალოთ! —
მე სტიუარდესა გამახსენდა, თვითმფრინავის
ფრენისას და დაჯდომისას მგზავრებს რომ
აფრთხილებს, ქაჩრები შეიკარითო!

ჩაფრებულნი გავუჩერებდი გზას. „გზას
ვამბობ, თორემ რა გზაა...“ მანქანა ძლივს უქ-
ცევს გვირდს მანქანას და, ახალციხის ნაცვ-
ლად, ვეება ორმოვინა...

ეს გზა დიდებული ვარძიისაკენ მიმავალი
გზაა, ვარძიას კი ყოველწლიურად 80 ათასამ-
დე საბჭოთა და უცხოელი დამთავალიერებელი
ჰყავს. აქაურებს ხშირად უთქვამთ, ჩვენ თუ
არ გვიცოდებთ, ის სტუმრები მაინც შეიცო-
დეთ, ეშმაკის ბილიკით რომ დაატარებთ, ან
რა ექსკურსიის ხასიათზე უნდა დადგნენ, ან
რა ამბავი უნდა წაიღონ აქაურ გზებზეო!

ასპინძაში გვიან დამით ჩავდი. დადლილ-და-
ქანცულმა სასტუმროს დავეუწყე ძებნა.

— გეტყობა, აქ პირველად ხარ! — ცნობის-
მოყვარედ ამთავალიერა რომელიღაც ადგილობ-
რივმა. დიახ-მეთქი, ვუთხარი.

— მერედა, აქეთ რომ მოდიოდი არავინ
გაგაფრთხილა, ასპინძაში სასტუმრო არ არი-
სო?!

— როგორ თუ არ არის? — ცოტა არ იყოს,
შევხინდი მე.

— არ არის და არცა ყოფილა!

მართალია, შუა გზაფხული იყო, მაგრამ
მთებიდან მონახეირი სიო ძვაღ-რბილში ატან-
და. გათოშილი ვიდაც ღვთისნიერმა შემიკედ-
ლა, გამათბო, დამაშურა და ზოგი რამ იქაური
ამბებიც მიაშბო:

— მე რომ მიყურებ, მექანიზატორი ვარ, —
გაღმომხედა ჩემმა მასპინძელმა, — მაგრამ რა
გინდა, რა...

— სამუშაო არა გყოფნით?

— სამუშაო თავზე საურელია, მაგრამ, აბა,
გახდე ამ ციკაბო და ქვადორდიან სახნავ-სა-
თეს მიწებს, რა ტრაქტორი მიუდგება, ან რა
გუთანი გაუძლებს? სამთო მექანიზაციის საკი-
თხი ჭერ კიდევ გადაუჭრელია, შვილოსან, და
იმიტომაცა, მექანიზატორები მწყემსებად რომ
გარბიან მთაში ახლა იმას აღარ იკითხავ, კოლ-
მეურნეობებს როგორდა ამარაგებენ მარაგა-
წილებით?!

მასპინძლის ბუბუნა ბარიტონი უკვე ძილ-
ღვიძილში ჩამესმოდა:

— ცუდად, შვილოსან, ძალიან ცუდად გვა-
მარაგებენ! სამათხოვროდა გვაქვს საქმე!..

დღით ვარძიისაკენ აღარ გავემგზავრე, გუ-
ნებაგაფუქებულმა უკან გამობრუნება ვარჩიე...

ოცნება და სინამდვილე

დღიბა ბუნების ძალა. ბუნებამ შექმნა ადა-
მიანი. ბუნება კურნავს ადამიანს, ბუნებაში
ადამიანისათვის უამრავი საჭირო რამ მოიპო-
ვება. აი, თუნდაც ბორჯომის წყალი თვით კუ-
რორტი ბორჯომიც ხომ ბუნების ნაშთად წა-
რია? ვინ არ დამტბარა მისი სიმშვენიერით,
ვინ არ გაუყურნია ამ იშვიათი თვისებების
მქონე ჰაერს. ბორჯომის მინერალური წყალი
ხომ საქვეყნოდა განთქმული. მას იტალიაში
ღვინის ჰქვით სვამენ, საფრანგეთში — სუფ-
რის კოვზით, ამერიკაში, როგორც უიშვიათეს
პრეპარატს, თვალის საწვეთურით იწვეთებენ
ხახაში, აფრიკაში ამ წყლის ორთქლით მკურნა-

ლობენ, თბილისში კი... ღვინა ტრფილნი
კიტრის წილისა და ჯონჯოლის მაგივრად ხმა-
რობენ ნახაუსევეზე. რაც ბორჯომში ბორჯო-
მით შთაგონებულ ხელოვნების გამოჩენილ
მოღვაწეებს ნაწარმოებები შეუქმნიათ, იმაში
აღებული ჰონორარით ხუთი ბორჯომისნაირი
კურორტი აშენდებოდა..

ოცნებაში გართულმა ვერც კი შევამჩნიე,
როგორ შეჩერდა ჩვენი ავტობუსი ბორჯომის
ცენტრში. პირველ რიგში სასტუმროს მივამუ-
რე და დავბინავდი. ფანჯრიდან ქალაქის ახალი
მშენებლობები მოჩანდა.

— შენდება და მშენდება ბორჯომი!
ხმამალა გამოვთქვი ჩემი აღტაცება და ფან-
ჯარასთან მდგარ საქმეზე დავეშვი. საქმეა ერთი
საცოდავად დაიჭრია, ფეხები მოედრიცა და
იატაკზე მოვადინე ბრავანი. არაფერია იმაზე
საშინელი, როცა ოცნების ღრუბლებიდან პირ-
დაპირ სასტუმროს პარკეტზე დაენარცხები!
ეჰ, ავეჯს რა ვუთხარი, სასტუმროს აშენების
დღიდან რომ დგას აქ! კარები გამოვიკეტე და
რესტორნისაკენ გავეშურე. დიდებულია სას-
ტუმროს შენობა, მაგრამ ყველაფერს მისი მო-
დიდან გამოსული, დრომოქმულ და უგემოვ-
ნოდ შესრულებული ინტერიერი აფუჭებს.

რესტორანში სიცარიელე იყო. მაგიდას მი-
ვუჭექი და ოფიციატს დავუწყე ლოდინი.
მოთმინების ფილა რომ ამევსო, თვითონ ვეწ-
ვიე სამზარეულოს. ერთი შეხედვით მას ვერა-
ფერს დაუწუნებდით, მაგრამ დავკირვებული
თვალი შეამჩნიედა მოძველებულ დანადგა-
რებსა და იქ გამეფებულ ანტიანტიკარიას. გუ-
ნება სულმთლად გამიფუჭდა. ბორჯომის სას-
ტუმრო დაუყოვნებლივ დავტოვე და ბაკური-
ანში გავემგზავრე.

პატარა შვეიცარი

— „გეტყობ“ ნორმატივები ჩაბარებული
გაქვთ? — ისე, სხვათაშორის, შეგვეცოთა ავ-
ტობუსის მძღოლი. ჩვენ დასტური მივეცით.
მხოლოდ ამის შემდეგ დაძრა მან მშვილად მან-
ქანა ადგილიდან. ბაკურიანში რომ ჩავდიეთ
და დაუთილ-დაბეგვილები ავტობუსიდან გად-
მოვედით, მაშინ მივხვდი ამ შეკითხვის მი-
ზეზს, მაგრამ სახიფათო და კეთილმოწყობე-
ლი გზა, თავბრუდამხვევი მოსახვევებით, უკვე
გავლილი იყო. გზას ფეხით გავუყვები. უცებ
ნავის მანქანამ ჩამიჭროლა დიდი სისწრაფით
და ისეთ „სურნელში“ გამხვია, ცხვირის ნეს-
ტოები ცერისა და საჩვენებელი თითის მარ-
წუხებში მოვაქციე.

— სად ეჩქარება ამ მამაცხონებულს? — გა-
მოვხატე ჩემი აღშფოთება.

— ცხრაწერის ნავის „სვალკაზე“! — გან-
მიმარტა იქაურმა მკვიდრმა. ამასობაში მზემაც
გამოანათა და, ცოტა არ იყოს, ჩამოცხა.

— წყალს ხომ არ დამალვინებდით, უშმოზე
ხახა გამიშრა! — მიმართე ისევ იქაურ
მკვიდრს. იგი საკუთარ ეზოში შევიდა, ხელ-
ცარიელი დაბრუნდა და ბოდიში მომიხადა.
გუშინს აქეთ წყალი არ მოდის, დაგროვებული
რაც მქონდა, ბავშვებს დაუღვავათო.

— როგორ?! ბაკურიანს წყალი არა აქვს?! —
ცოტა არ იყოს მეუცხოვა ბაკურიანის უწყ-
ლობა.

— კაცმა რომ თქვას, სულ მთლად ეგრე არ
არის საქმე! — ამხსნა მან. — ბევრი იზრო-
მეს მშენებლებმა და, ბოლოს, როგორც იქნა,
ავიშენეს ჩინებული საკანალიზაციო და წყალ-
გაყვანილობის ქსელი, მაგრამ საქმე ბოლომდე

აღარ მიიყვანეს, ამიტომაც ხანდახან უწყლოდ
რომ ვართ ხოლმე!

სახაგამშრალმა განვაგრძე გზა. არ ვიცი, სა-
იდან გაიგეს, ნიანგელი რომ ვიყავი, მომჩი-
ვანთა რკალში აღმოვჩნდი. დამეხვიენ ნორჩე-
ბი თუ მოხუცები: ეს პროფავშირების მუშა-
თა ახალაშენებული პიონერთა ბანაკი მოუხერ-
ხებელია დასვენებისათვის და პიონერული თა-
მაშებისათვისო, ეს 1978 წელს დასამთავრე-
ბელი გეოლოგიური სამმართველოს პიონერთა
ბანაკი დღესაც დაუმთავრებელი და კეთილ-
მოუწყობელიაო, ჩიოდნენ ისინი. მერე ტუ-
რისტებმა „ჩამიგდეს ხელში“ და სულ „ჩტო
ზა ბეზაბრაზიე, ეტო ჩტო ზა ნებლაგოუს-
ტროენაია“-ო, იძახეს ტურბაზაზე. ახლა ბა-
კურიანის საავადმყოფოს ხელმძღვანელებმა
მტაცეს ხელი: სამი ექიმის, მათ შორის ერთი
ქირურგის, შტატი რომ ამდეგ ხანს თავისუფ-
ლი გვაქვს და დედაქალაქელებს ყელგამოწ-
ვლილი ვევედრებით, ექიმებს როდის გამოგ-
ზავინაო. მერე ბაკურიანელი ახალგაზრდები
მეცნენ, კულტურის სახლს როდის აგვიშენებენ,
მაინცადამაინც გინდათ. ბარ-რესტორან-სახინ
კლე-სამწვადეების მსხვერპლი გავხდეთო?!

ამბობენ, 1980 წელს ვერც ბორჯომს იც-
ნობთ და ვერც ბაკურიანს, ისე აშენდებიან და
დამშვენდებიანო!
ნეტამც!

თამაზ ძიძინაშვილი

ნახ. ა. პანდელაპისი



— გმონი, დაგვაგვიანდა ძორ-
წილში!

— ნუ გეშინია, დღეს მისამე
დღეა!

ნახ. გ. ფიცხალაშვილი



— ეს მუშია პროფსიით მძღოლი
ყოფილა!

— როგორ მიხვდნენ? ალბათ, ჰი-
ქაში ჩაპორტქლებინეს..

მთავარი რედაქტორი
ფურდან ბეგაშვილი

სოლსპერიში შედგა ოთხი აფრიკელი მინისტრის დანიშვნის საზეიმო ცერემონიალი. როდესაც მთავრობის შემადგენლობაში, ე. წ. ტომთა ბელადების საბჭოდან, შეიყვანეს მარიონეტები, რომელნიც ცნობილი არიან თავიანთი ლოიალობით რასისტული რეჟიმისადმი. ეს ხალხი ერთგულად ემსახურება კოლონიზატორებს და, რაღა თქმა უნდა, დიდ გასამრჯელოსაც იღებს.

აი, ამ რეტროგრადებისა და პლიქნელების გასაღებას ცდილობს იან სმიტის ხროვა აფრიკელი ხალხის „პასუხისმგებელ წარმომადგენლებად“.

